



FYLKESMANNEN
I ROGALAND

Dykkar ref.:

Vår dato: 27.01.2015

Vår ref.: 2015/311

Arkivnr.: 433.0

Hilmer Hermansen
Nedstrandsveien 1541
5560 NEDSTRAND

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Løyve til utsetjing av utanlandske treslag, skogproduksjon Hellebrekkene, gnr/bnr 147/1 Tysvær

Hilmer Hermansen har søkt om å planta sitkagran på gnr/bnr 147/1 i Tysvær kommune i Rogaland. Området er på til saman om lag 12 dekar og er i avverka plantefelt med tidlegare sitkagran og furu. Vår vurdering er at utsetjinga i liten grad medfører risiko for vesentlege uheldige følgjer for naturmangfaldet. Søkar får på bestemte vilkår løyve til å setja ut 2 640 sitkagran på eigedommen.

Me viser til søknad, mottatt 07.01.2015, der du søker om å planta utanlandske treslag til skogproduksjon på gnr/bnr 147/1 i Tysvær kommune .

Heimel

Utsetjing av utanlandske treslag krev godkjenning frå Fylkesmannen i samsvar med *forskrift om utsetjing av utanlandske treslag til skogbruksformål* (25.05.2012 nr. 460, jf. naturmangfaldlova kap. IV).

Søknaden

Det er søkt om å planta til to felt på omlag 6 daa med 1320 plantar på kvar. Til saman vert dette 2 640 stk sitkagran på om lag 12 daa (sjå kartvedlegg).

Det aktuelle arealet er på eigedomen din 147/1 i Tysvær.

Du ønskjer å planta ein skjerm med sitkagran mot vest, som vindfang for større plantefelt med norsk gran, då norsk gran ikkje toler vinden så godt som sitkagrana gjer, og det har vore store stormskader i skogen som vaks der før.

Fylkesmannen si vurdering

Formålet med forskrifta er å hindra at planting av utanlandske treslag gir uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Sitkagran er vurdert av Artsdatabanken som ein art med svært stor risiko for naturleg spreiding med skadelege økologiske verknader for norsk natur (Norsk svarteliste 2012), noko det skal vera høg terskel for å gje løyve til å setja ut. Tabellen under viser kartlagde prioriterte naturtypar og raudlista artar nærare enn 2 km frå eitt av dei to utplantingsområda, retning frå feltet og kva verdi dei har. Me har vidare vurdert påverknaden på prioriterte naturtypar og raudlista artar i ein avstand på 5 km frå utplantingane.

Områdenamn	Naturtype	Verdi	Avstand til utsetjingsområdet	Retning frå utsetjingsområdet
Sørtveit	Kystfuruskog	C – lokalt viktig	400 m	Aust for sørleg felt
Ringstveit nordaust	Rik edellauvskog med alm og ask (NT)	B – viktig	780 m	Nordvest for nordleg felt
Ringstveitvatnet sør	Rikmyr	B – viktig	1,18 km	Nordvest for nordleg felt
Leirangsøyla	Pollar	B – viktig	1,25 km	Nordvest for nordleg felt
	Ask (NT)		1,25 km	Sør for sørleg felt
Leirongsåsen	Gammal, fattig edellauvskog med hønehauk og stare (NT)	B – viktig	1,57 km	Nord(aust) for nordleg felt

Plantefelta legg beslag på areal som tidlegare har hatt plantefelt med sitkagran og furu. Her er ingen registreringar av trua artar eller naturtypar. I områda rundt utsetjingsområdet er det mykje kulturskog med sitkagran og norsk gran og lauvskog. Lenger unna plantefelta er det dyrka mark/eng i aktivt bruk.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Rutinar for internkontroll, eller eit system som på annan måte hindrar at utsetjinga påfører økosystemet skade, må innarbeidast i verksemda, og skal kunna visast fram etter førespurnad frå kontrollerande etat. I samband med utsetjing av utanlandske treslag er det spesielt viktig at ein har eit system for tiltak som minskar risikoen for spreining.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan me ikkje sjå at tiltaket direkte legg beslag på, eller vesentleg truar, stadeigne naturkvalitetar. Det er 400 meter til næraste prioriterte naturtype, som er kystfuruskog. Sitkagrana har ikkje så lett for å spreia seg naturleg til andre skogtypar. Då er rikmyr, kystlynghei og andre opne naturtypar meir utsette. Alle område med naturtypar som er utsette for at sitkagrana skal etablera seg er på vest-, eller nordvestsida av dei omsøkte felta. Mellom felta og desse naturtypane er det ein bakkekam, som hindrar at frøa vil spreia seg i retning desse naturtypane. Vanleg vindretning er vest og nordvest – noko som gjer at det vil vera endå mindre sannsynleg at sitkagrana spreier seg vestover. Områda kor det veks solblom og purpurlyng er også beskytta av bakkekam og vindretning.

På den andre sida av felta med sitkagrana er det, og skal det plantast bestandar av norsk gran. Denne skogen vil fanga opp mesteparten av frøa frå sitkagrana ved gjeldande vindretning.

Ettersom sitkagrana her skal plantast i eit område med mykje annan planteskog og framande treslag, og eksisterande plantefelt med utanlandske treslag eller norsk gran er mykje nærare dei prioriterte naturtypane og raudlista artane enn dei omsøkte felta, vil dei omsøkte bestandane utgjera ein minimal skilnad på det totale frøpresset. Ei gjenplanting med sitkagran i område som alt har mykje sitkagran og framande treslag, vil ha liten til ingen ekstra negativ påverknad på økosystemet i området. I dette tilfelle er det mykje eksisterande planteskog og sitkagran i området, og Fylkesmannen i Rogaland vurderer difor dei omsøkte områda til å ikkje påverka økosystemet i nemneverdig grad.

§11 adresserer ansvaret for eventuelle skadar på naturmiljøet til tiltakshavaren. Kostnadar ved å bota på eventuelle skadar, eller ved å førebyggja skadar, skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gir dei beste samfunnsmessige resultat (§12).

Du søker om å planta i eit område med mykje norsk gran og sitkagran, slik at plantinga utgjer ei lita endring av frøpresset på områda rundt. Ei god stund framover vil det aller meste av frøspreiinga stamma frå sitkagran etablert før godkjenningsordninga tredde i kraft i 2012. Søkar pliktast seg til å hindra spreining frå det tidspunktet sitkagrana planta før 2012 er avverka. Dette vil i praksis seia luking, hogst og fjerning av sitkagranoppslag som er utanfor feltet. For at dette skal kunna gjennomførast i praktis, kan det vera aktuelt å skriva avtalar med naboane for å sikra at du kan gå inn og fjerna spreidd sitkagran på deira eigedom, dersom det skulle bli aktuelt.

På naboeigedommane er det stort sett etablert skog, dyrkamark og litt beitemark som er godt i hevd, så der er det liten sjanse for at frø frå det omsøkte plantefeltet skal kunna etablera seg.

Under føresetnad av at framtidig spreiring av sitkagran blir overvaka og handtert som nemnt, kan me ikkje sjå at den omsøkte plantinga vil vera til vesentleg skade for naturmangfaldet.

Dette dokumentet må gjerast kjent og overførast samtidig som eventuelt eigarskifte til ny eigar.

Vedtak og vilkår

Fylkesmannen gir med dette løyve til å setja ut til saman 2 640 sitkagran på til saman 12 daa, avmerka på kart vedlagt løyvet.

Vilkår:

- Spreiing frå sitkagran etablert frå bestandar etter dette løyvet skal overvakast og fjernast.
- Skogeigar skal utarbeida ein plan for internkontroll som skal visast fram ved eventuelle tilsyn. I tråd med § 10 i forskrifta skal denne minst innehalda:
 - Rutinar du følgjer for å sikra at krav i eller i medhald av *forskrift om utsetjing av utanlandske treslag*, samt vilkår i dette løyvet vert følgde.
 - Rutinar du følgjer dersom det oppstår avvik, samt opplysingar om kven som er ansvarlege for at rutinane bli følgde.
 - Rutinar du følgjer for å hindra at avvik gjentar seg og opplysingar om kven som er ansvarlege.
- Trea skal hoggast seinast ved biologisk hogstmogen alder.
- Det skal ikkje setjast att livslaupstre av utanlandske treslag ved hogst (jf. forskrifta).
- Ved avvik frå vilkåra eller forskrifta kan ansvarleg styresmakt oppheva, endra, eller setja nye vilkår i løyvet i samsvar med naturmangfaldloven §67. Ved eventuelt pålegg om tilbakeføring av areala vil kostnadene bli lagde på skogeigar.

Dette løyvet er gyldig i 5 år frå den dato det er gitt. Dersom tiltaket ikkje er gjennomført innan fristen, og det ikkje ligg føre søknad om utsett frist, vert løyvet automatisk trekt tilbake.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Per Kristian Austbø
ass. fylkesmiljøvernssjef

Torborg Berge
rådgjevar

Dokumentet er godkjent elektronisk av Fylkesmannen i Rogaland og krev derfor ikkje signatur.

Sakshandsamar: Torborg Berge
Sakshandsamar telefon: 51 56 89 39
E-post: fmrotbe@fylkesmannen.no

Kopi til:

Miljødirektoratet	Postboks 5672 Sluppen	7485	TRONDHEIM
Tysvær kommune	Postboks 94	5575	Aksdal


Vedlegg:

Kart over areal med løyve til å planta utanlandske treslag til skogproduksjon – sitkagran, Hellebrekkene, gnr/bnr 147/1 Tysvær.

Oversikt

Kart over areal med løyve til å planta utanlandske treslag til skogproduksjon – sitkagran, Hellebrekkene, gnr/bnr 147/1 Tysvær. Felt A

Kart over areal med løyve til å planta utanlandske treslag til skogproduksjon – sitkagran, Hellebrekkene, gnr/bnr 147/1 Tysvær. Felt B



Løyve til utsetjing av sitkagran
til skogbruksformål
Hellebrekkene, Tysvær gnr/bnr 147/1

-  Sitkagran
-  Eigedomsgrense

Ortofoto 2013 0,25 m oppløysing

1:5 000

0 65 130 260 Meters

Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, jan. 2015



147/1

A 6,5daa

145/8

147/3

145/18

**Løve til utsetjing av sitkagran
til skogbruksformål
Hellebrekkene, Tysvær gnr/bnr 147/1**



Sitkagran



Eigedomsgrense

Ortofoto 2013 0,25 m oppløysing

1:1 000

0 12,5 25 50 Meters

Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, jan. 2015



147/1

B 5,9daa


147/2

Løyve til utsetjing av sitkagran
til skogbruksformål
Hellebrekkene, Tysvær gnr/bnr 147/1

-  Sitkagran
-  Eigedomsgrense

Ortofoto 2013 0,25 m oppløysing

1:1 000



Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, jan. 2015